

O le Fautuaga a le Alii i Faifeautalai i le Mataupu Faavae ma Feagaiga 30–36

Suesue le fautuaga a le Faaola i tagata taitoatasi o loo lisi atu i lalo, ma talanoa i fesili o loo mulimuli mai.

Mataupu Faavae ma Feagaiga 31:1–5 (Thomas B. Marsh)

- O a nisi o upumoni mai nei fuaiupu e mafai ona fesoasoani ia te oe e malamalama ai pe aisea ua fetalai mai ai le Faaola ia i tatou e faasoa atu Lana talalelei?
- Aisea e te manatu ai na faatatau Iesu Keriso i Lana talalelei o “tala fiafia o le olioli tele”? (fuaiupu 3). E faapefea ona aumaia e le talalelei a le Faaola ia te oe le olioli?

Mataupu Faavae ma Feagaiga 33:1–7, 10–12 (Ezra Thayer ma Northrop Sweet)

- O a nisi o upumoni mai nei fuaiupu e mafai ona fesoasoani ia te oe e malamalama ai pe aisea ua fetalai mai ai le Faaola ia i tatou e faasoa atu Lana talalelei?
- Aisea atonu e finagalo ai le Alii i Lana talalelei e folafola atu ma se leo tele e pei “o le leo o se pu”? (fuaiupu 2).

Mataupu Faavae ma Feagaiga 34:1–7 (Orson Pratt)

- O a nisi o upumoni mai nei fuaiupu e mafai ona fesoasoani ia te oe e malamalama ai pe aisea ua fetalai mai ai le Faaola ia i tatou e faasoa atu Lana talalelei?
- Aisea e te manatu ai ua “sili atu ona faamanuiaina” i tatou (fuaiupu 5) mo le valaauina e talai atu le talalelei a le Faaola nai lo le na ona tatou talitonu i ai?

Mataupu Faavae ma Feagaiga 35:1–3, 6–8, 12–13 (Sidney Rigdon)

- O a nisi o upumoni mai nei fuaiupu e mafai ona fesoasoani ia te oe e malamalama ai pe aisea ua fetalai mai ai le Faaola ia i tatou e faasoa atu Lana talalelei?
- Aisea e te manatu ai ua valaauina e le Alii tagata “e lei aoaoina” ma leai se malamalama e folafola atu Lana talalelei i “atunuu” o le lalolagi? (fuaiupu 13).